

PREPORUKE EU I OPERATIVNI ZAKLJUČCI

sa trećeg sastanka Pododbora za unutrašnje tržište i konkurenciju, uključujući zaštitu zdravlja i potrošača

1. BANKARSTVO, OSIGURANJE I DRUGE FINANSIJSKE USLUGE

1. BiH se poziva da usvoji izmjene i dopune Zakona o osiguranju depozita kako bi se omogućilo korišćenje fonda za osiguranje depozita u svrhu sanacije.
2. EU potiče BiH da nastavi aktivnosti entitetskih agencija za bankarstvo na jačanju nadzora nad bankama.
3. EU je ponovo pozvala BiH da osigura potpuno uključivanje preporuka Agencije za osiguranje u BiH u entitetske propise prije njihovog usvajanja, čime se jača uloga Agencije u koordinaciji harmonizacije i usklađivanja propisa s propisima EU.
4. EU je podsjetila na nužnost odgovarajućeg broja osoblja i funkcioniranja Upravnog odbora Agencije za osiguranje (Agencije za osiguranje, Federalnog ministarstva finansija, Agencije za nadzor osiguranja FBiH, Ministarstva finansija RS, Agencije za osiguranje RS).

2. PRAVO PRIVREDNIH DRUŠTAVA, RAČUNOVODSTVO I REVIZIJA

5. EU je pozvala nadležne organe BiH da dodatno usklade pravo privrednih društava u cijeloj državi.
6. Kada je u pitanju revizija, EU je podsjetila BiH da bi, u skladu sa zahtjevima *acquis*-a EU, trebala uspostaviti jedan nadzorni organ koji će imati konačnu odgovornost za nadzor ovlaštenih revizora u cijeloj zemlji.

3. JAVNE NABAVKE

7. EU je preporučila da BiH ubrza proces usklađivanja s direktivama iz 2014. o javnim nabavkama i koncesijama. U tom smislu, BiH se potiče da usvoji planirane izmjene i dopune Zakona o javnim nabavkama nakon konsultacija s Komisijom i da napravi korak naprijed kada je u pitanju zakonodavstvo o koncesijama (u FBiH i BDBiH).
8. EU pozdravlja napredak postignut u području e-nabavki i potiče BiH na provedbu planirane nadogradnje u ovoj oblasti početkom 2019. godine.
9. EU preporučuje BiH da postigne napredak u popunjavanju slobodnih radnih mjesta i poveća broj zaposlenih u Agenciji za javne nabavke i Uredu za razmatranje žalbi.

4. KONKURENCIJA

10. EU je preporučila da BiH bez odlaganja nastavi s daljnjim usklađivanjem Zakona o konkurenciji i donošenjem Zakona o sistemu državne pomoći u skladu s *acquis*-om.
11. EU je preporučila da BiH izmijeni rokove za istražne radnje i donošenje odluka u predmetima zaštite konkurencije (zabranjeni sporazumi i zloupotreba dominantnog položaja) kako bi se osiguralo učinkovito donošenje odluka.

12. EU je preporučila da BiH izbacila iz zakona o konkurenciji i državnoj pomoći uvjet da za odluku mora glasati najmanje po jedan član iz reda konstitutivnih naroda („nacionalni veto“).
13. EU je zatražila od BiH da osigura sufinansiranje budžeta Vijeća za državnu pomoć od strane Republike Srpske kako je predviđeno Zakonom.
14. EU je pozvala BiH da pojača aktivnosti zagovaranja kako bi davatelji pomoći bili upoznati s potrebom dostavljanja *ex ante* obavijesti o novim mjerama državne pomoći i kako bi se osigurala usklađenost sa Zakonom o državnoj pomoći.
15. EU je preporučila da BiH ojača operativne kapacitete Vijeća za državnu pomoć.
16. EU je zatražila od nadležnih organa BiH da postupe u skladu s članom 71. stavom (7) SSP-a i što prije dostave regionalne statističke podatke na nivou NUTS II i sačine kartu regionalne pomoći.
17. EU je zatražila od BiH da se pridržava svojih obaveza iz člana 71. stava (6) SSP-a i da što prije napravi napredak u usklađivanju postojećih programa pomoći s *acquis*-om.

5. JAVNO ZDRAVSTVO I ZAŠTITA POTROŠAČA

18. EU je preporučila BiH da izvrši daljnje usklađivanje s *acquis*-om o zaštiti potrošača.
19. EU je preporučila da se osigura adekvatno i održivo finansiranje u oblasti javnog zdravlja kako bi se olakšale reforme zdravstvene zaštite i omogućilo dobro upravljanje, kvalitetna zdravstvena zaštita koja će biti dostupna svim građanima, uključujući marginalizovane grupe društva.
20. EU je pozvala BiH da ubrza usvajanje zakona o zabrani pušenja na javnim mjestima i ratifikaciju protokola o uklađivanju nezakonite trgovine duhanskim proizvodima.
21. EU je preporučila BiH uspostavljanje sistema nadzora na državnom nivou u oblasti tvari ljudskog porijekla u cilju osiguranja efikasne koordinacije u cijeloj zemlji.
22. EU je pozvala BiH da u potpunosti sudjeluje i iskoristi prednosti sudjelovanja u Zdravstvenom programu EU.
23. EU je pozvala BiH da sudjeluje u procjeni nadzora i kontrole zaraznih bolesti koju radi ECDC (Evropski centar za sprečavanje i kontrolu bolesti).
24. EU je preporučila BiH da sudjeluje u planiranom drugom krugu Standardiziranog evropskog istraživanja o alkoholu (SEAS).

6. PRAVO POSLOVNOG NASTANA, SLOBODA PRUŽANJA USLUGA I PRIZNAVANJE STRUČNIH KVALIFIKACIJA STRANIH DRŽAVLJANA

25. BiH se potiče da usvoji jedinstven horizontalni zakon koji će biti usklađen s Direktivom o uslugama i da nakon toga provjeri koje važeće propise treba izmijeniti i dopuniti kako bi se postigla usklađenost s Direktivom o uslugama.
26. BiH je pozvana da dodatno analizira pitanje dvostruke registracije privrednih društava i dodatne zahtjeve za registracijom u dva entiteta i, ukoliko postoje takvi zahtjevi, da ih ukine.

27. BiH se potiče da ubrza napore ka otvaranju tržišta poštanskih usluga za konkurenciju, da uskladi svoje zakonodavstvo s *acquis*-om o poštanskim uslugama i usvoji strategiju za razvoj poštanskih usluga na državnom nivou.

7. PRAVO INTELEKTUALNOG VLASNIŠTVA

28. BiH se potiče da ubrza aktivnosti kako bi se učinkovito ostvarivala prava intelektualnog vlasništva usvajanjem strategija čiji je cilj, s jedne strane, provođenje prava intelektualnog vlasništva i, s druge strane, jačanje kapaciteta i koordinacije provedbenih institucija.